

Na osnovu člana 13. stav (2) Zakona o Budžetu institucija Bosne i Hercegovine i međunarodnih obaveza Bosne i Hercegovine za 2012. godinu ("Službeni glasnik BiH", broj 42/12) i člana 17. Zakona o Vijeću ministara Bosne i Hercegovine ("Službeni glasnik BiH", br. 30/03, 42/03, 81/06, 76/07, 81/07, 94/07 i 24/08), Vijeće ministara Bosne i Hercegovine, na 12. sjednici održanoj 04.07.2012. godine, donijelo je

ODLUKU
O PRIJENOSU OVLAŠTENJA PREDSJEDAVAJUĆEM I ZAMJENICIMA
PREDSJEDAVAJUĆEG VIJEĆA MINISTARA BOSNE I HERCEGOVINE ZA
INTERVENTNO KORIŠTENJE BUDŽETSKE REZERVE

Član 1.

(Predmet Odluke)

Ovom Odlukom prenose se ovlaštenja predsjedavajućem i zamjenicima predsjedavajućeg Vijeća ministara Bosne i Hercegovine za interventno korištenje 4% od iznosa budžetske rezerve iskazane u Zakonu o budžetu institucija Bosne i Hercegovine i međunarodnih obaveza Bosne i Hercegovine za 2012. godinu u Rasporedu prihoda i rashoda, u dijelu Rezervisanja, što iznosi 138.600.-KM (3.465.000-KM x 4%).

Član 2.

(Visina sredstava)

- (1) Iznos iz člana 1. ove Odluke se dijeli na tri jednaka dijela, tj. predsjedavajući i dva zamjenika predsjedavajućeg mogu raspolagati iznosom od po 46.200.- KM na godišnjem nivou po osobi na koju se prenosi pravo raspolaganja (prijenos ovlasti) sredstvima budžetske rezerve.
- (2) Iznos sredstava iz stava (1) ovog člana uključuje iznos sredstava odobrenih Odlukom o prenosu ovlaštenja predsjedavajućem i zamjenicima predsjedavajućeg Vijeća ministara Bosne i Hercegovine za interventno korištenje budžetske rezerve za period januar – mart 2012. godine („Službeni glasnik BiH“, broj 28/12).
- (3) Za upotrebu sredstava iz stava (1) ovog člana ovlaštena lica će donositi pojedinačne odluke.

Član 3.

(Nadležnost za realizovanje)

Realizovanje pojedinačnih odluka o korištenju sredstava iz člana 2. ove Odluke provodit će Ministarstvo finansija i trezora u skladu sa Zakonom o finansiranju institucija Bosne i Hercegovine („Službeni glasnik BiH“, br. 61/04, 49/09 i 42/12).

Član 4.

(Obaveza objavljivanja)

Svako interventno korištenje sredstava budžetske rezerve objavljuje se u "Službenom glasniku BiH" u roku od deset dana od dana donošenja.

Član 5.

(Stupanje na snagu)

Ova Odluka stupa na snagu danom donošenja i objavljuje se u "Službenom glasniku BiH".

VM broj 97/12
04.07.2012. godine
Sarajevo

PREDSJEDAVAJUĆI
Vijeća ministara BiH
Vjekoslav Bevanda, v.r.